

藏亂始末見聞記
藏事陳略

西藏篇
藏亂紀略


卷之二

卷之二

卷之二

卷之二

卷之二



中國民族史地資料叢刊之十七（內部參攷）

藏亂始末見聞記

中央民族學院圖書館編

一九七九年

月

臧亂始末見聞記例言

一凡事非所目睹則言之不切。非始終其事則言之不詳。非統觀全局亦一方面之言。仍未能得其真像。記者在藏四年於茲。而出藏又在最後。故篇中所載。雖言之無文。均信而可徵。

一篇中均據事真書。毫無成見。其曲直是非自有公論。

一是一書係出藏後追憶所成。屬草。僅一日夜之力。未及修訂。遽為友人慫恿付印。閱者諒之。一是一書所載月日均係當時由鉛筆記出。毫無錯誤。其江孜和約係由大招擲下傳觀。用鉛筆鈔證。兩次之和約係懇大書房李英之鈔來。其餘或聞幕府。均確實有據。方敢登錄。幸勿以記者未廁政界。致疑為子虛烏有之談也。

一篇中所記某月某者。謂陰曆。曰某月幾日者。謂陽曆。

民國二年四月三十號。愛惠餘生記於印度之噶倫堡。

藏亂始末見聞記

藏亂之迷因

自巴塘丁林寺被焚後。藏人視趙爾豐若寇仇。其後趙奉命駐藏辦事。而番官及各寺均巖詞峻拒。並威逼聯辦事代奏。朝廷恐開邊釁。遂止趙行。嗣因辦理新政。扎厦公所百般抗阻。聯辦事以番邊既抗拒朝廷命官。在藏復無一事能辦。積不能平。思非調陸軍進藏。不能使政教分離。番邊聞陸軍進藏。遂調集各路番兵。一面阻截陸軍。一面圍困欽署。所有供給全行取消。署內柴米幾至斷絕。街上漢人絕跡。勢已岌岌可危。迨次年正月初三。即前清宣統二年陸軍先鋒官張鴻昇知藏事危急。率三十馬隊由小路連夜到藏。藏人訝為天降。遂鼠竄豕奔。藏人所設之警察亦均消滅無踪。路上所棄軍衣鎗炮堆積無數。連賴遂連夜出藏。豈甘心哉。其欲伺隙回藏。思欲一逞者。蓋亦久矣。嗣後始辦警察。設學堂。安電綫。出藏文白話報。設醫藥局。開陳列館。裁制營。設郵政。百廢具舉。夫國家設立辦事大臣。初意本欲握其政權。乃

番邊既不奉正朔。而衣冠語言文字訟獄。漢人竟無一能出而干涉。則商上扎廈公所立於教權之下。主持政權之故也。若不撤銷其商上扎廈公所。以後不必設辦事長官。以無一事能辦也。試觀數百年辦事大臣所辦之事。何在。故記藏亂。不可不知其遠因。

藏亂之近因

川省之亂。藏中受影響最大。陸軍皆川人也。而陸軍敢於生事者。實由於鍾統領由冬九撤差。前清宣統二年十一月。因波密屢擾藏邊。鍾協統奉札往工布一帶駐紮。並曉諭波密來降。以免征剿。波密久輕藏人。並恃其勇置之不理。彼時練兵處羅長椅謂不如因而收之。遂派鍾進紮冬九以探察其地勢。不意為波兵由小路抄截。不得已退紮工布。羅長椅已越級得為左參贊。自請往代。彼時馬隊管帶張鴻昇。三營管帶陳渠珍爭功較進。互相猜忌。不相聯屬。損傷甚多。銳氣頓減。而馬隊及土兵復不歸鍾節制。致無成功。鍾遂撤差回藏。屢欲回川。因委辦銀元局。不能脫身。其時藏中惟欽轅衛隊八十名。土兵數十名。礮隊數十名而已。

餘均派往波密。其分紮江孜後藏者為二營。張葆初鍾初與兵士感情素好。若握兵權不特

目無法紀實係造。欽差衛隊夙稱驕橫。袍哥之其管帶為總收支王久敬。復不能軍。而陸軍

反遂各路調兵。勢。其管帶為總收支王久敬。復不能軍。而陸軍

皆袍哥。王亦入袍哥。以便聯絡。但資格甚淺。僅充老公任人牽鼻。其時共立公口廿日總公

口為郭元珍。一優伶也。烟癮極大。入不敷出。為欽差戈什哈。每鬱鬱不得志。深結何光燮李

狠為遂隱相號召。在藏各路軍隊謂川亂不得回家。若能剗欽差取庫餉以勤王為名。不但

無罪。而且有功。袍哥之命令。甚於朝廷。動則殺戮。誰敢不遵。其實亦窮苦無聊。非亂不能生

財。彼時風聲甚緊。聯辦事亦有所聞。束手無策。乃因一轎夫與一軍人口角細故。勒令聯辦

事將轎夫正法。並勒每人勒借一百金。回川聯辦事不允。遂有九月二十五夜間事。

藏亂之釀成

郭元珍何光燮范金李維新四人見報紙所載內地情形。亦始在札什城立勤王旗幟。向商

上借錢。番邊以其名正言順。遂慨借銀八萬兩。及錢到手。深抱不安。遂改稱革命。但覺大孤

不得已利用袍哥。而袍哥之宗旨在打劫。隱與何等之意見相同。但何李范皆非袍哥。極力聯絡不甚親密。且反為袍哥所利用。迨庫帑一槍。經鍾協統單身往札什城演說。大致謂爾等均有身家。應募時亦均有保人。焉能免禍。軍士大懼。環跪痛哭。謂我等本不敢為非。一切皆范李主持。如能免禍。願將欽差送回。並將范李送協部任憑處治。均照辦。是時何光燮與郭元珍。汪文銘結為死黨。因何前次來藏時。郭為其隨丁也。因藉設公議局。以奪欽差辦之權。並以馬隊管帶汪文銘為議長。以資擁護。並通知駐江孜後藏軍隊。各樹大漢革命旗幟。且促其來拉薩。緣聯鍾。該處遂遵袍哥命令。於十月初九日到藏。而不意聯辦事於前一日。將印交給鍾協統。一面電知政府。遂避居布資繃寺。鍾協統遂代理欽差。探知駐紮江孜軍士將到。以代理欽差名義。派員前往犒軍。以便偵察。並嚴加警備。軍士到拉薩。見無從下手。又無處搶劫。而鍾代理謂川餉將到。由我發餉。遂不得不轉向鍾代理乞憐。革命風潮為之少殺。惟郭元珍橫行無忌。路見番官。勒使下馬。番邊以僧銀八萬餘兩。並不放行。已不平。且

始而勤王。繼而革命。竟使欽差往廟中避難。遂確識亂黨。日夕警備。未幾。遂有二月初五之事。

聯辦事之被劫

聯辦事之被劫。在是年九月二十五日夜間十點鐘。是時聯在署中二堂東間。與隨員吳袍一。恩惠臣談讌。方謂人言無足信。而署外槍聲頓起。東廊人行如細雨。吳袍一出視。遂遁。倭聞房門踢倒。恩惠臣甫出被擒。並問欽差何在。答以在後堂。遂群往後院。恩惠臣伺隙出署。見有素識之兵丁某。告以口號。係西陲二字。速去勿多事。伊與吳同居署之對門新房內。遂歸。軍人尋回二堂。一見聯某在桌下藏匿。拖至署門。恐其驚死。遂用肩與竿往扎什城樓房。隨侍者惟逃捕閃圓光。此人亦係袍哥所使姪孫少爺志濬春姨奶奶三人而已。先是欽轅衛隊夙極驕橫。其管帶為總收支王久敬。聯辦事夙所寵任。殊不能軍。在袍哥為老。公資格甚淺。任人牽鼻。其時總公口為郭元珍。

聯辦事回署

聯辦事之回署。在是年十月初一日。是日漢番聚觀者數萬人。右參贊錢錫寶前自稱代理。在署中搜印數次未獲。實印即在後堂大箱內。聯到署即取出。亦異事也。一切呼喚不靈。庫餉及簽押財物均被搶一空。無事可辦。悶坐愁嘆而已。

聯辦事避居

是年十月初八日。聯辦事屢接後藏江孜警報。均謂明日軍士必到。並樹有大漢革命字樣之旗幟。特來取聯鍾首級。內應甚多。新軍設法。遂請鍾協統密商良久。但聞鍾謂協統與欽差事同一體。如有緩急。性命所不敢惜。嗣聞聯辦事謂我意已決。你就力為其難。以顧大局。為是。遂傳轎往磨盤山行香。後聞鍾已代理欽差。而聯辦事已往布賚綳寺養病矣。

聯辦事復出

自聯辦事往寺中養病。何光燮以鍾代理大權。獨握軍士歸心。不易制伏。遂有請聯再出辦事之議。以便為所欲為。且謂川餉將到。鍾處冒領甚難。不如聯之好為柔懦也。軍士大加贊

成遂於十二月二十一日勒請聯到拉薩。謂欽差在寺軍士不無猜忌。如居拉薩。何光燮敢行擔任。如不允。恐該寺必受池魚之禍。聯不得已。遂移居拉薩之火爾岡。又尚未使之辦事者。以川餉未到故也。迨是月二十六日委員壽崑解餉。由小路星夜到藏。聯遂於次日在火爾岡又接印任事。鍾又退處矣。

聯辦事出藏

聯辦事出藏。為是年八月初四日。初次和局已成。內地之電始通知。鍾協統已由民國任為駐藏辦事長官。聯日以死在西藏為懼。得電不勝欣喜。遂懇宣布。聯遂行文商上。預備夫馬。出拉薩。時鞭砲絡繹不絕。一路惟帕克里因雪大阻止十餘日。至噶倫布為英教士葛斯逼的書四絕於冊。刻聞已到京矣。

公議局之風潮

通聯辦事復出。不過欲削鍾之權。立公議局。更欲削聯之權。皆何光燮郭元珍之微意。迨議

局成後其實權乃歸軍隊。議長為隊管帶汪文銘。汪亦袍哥中大爺也。嗣袍哥首領劉榮武不服。威逼汪文銘辭職。遂設立三部。何光燮為民政部長。郭元珍為財政部長。軍士苦推鍾為軍政部長。而議院總議長則推張謀。而眾議員氣餒亦均炙手可熱。權勢之火。罕與倫比。

拉薩之開戰

主戰者為議長張謀。極力贊成者為張海揚。其餘皆隨聲附和。正月二十二日接後藏江孜警報。謂番兵圍逼日緊。糧彈太少。祈速救援。議長遂遣管帶潘文華前往救援。嗣因後藏開戰。令駐紮江孜之兵往後藏復命。管帶張雲龍往江孜。此項支應夫馬輪應色拉寺。該寺以漢兵往與番邊開戰。不肯支應。張海揚云我在藏深知藏人性質。若將大礮在色拉寺門外一停。不用說支夫馬。管保要糧有糧。要銀子有銀子。議長遂宣言。我兄弟決計主戰。於是議員亦只好贊成。張雲龍因新娶一妾。本不欲往江孜。且因色拉寺金燈甚多。故告奮勇。遂於二月初五日率隊往攻。而三部均未聞之。已經開戰。攻至次日。但見軍士紛紛走回。大礮四

專亦棄置札什城門外無人經理。始由協部派人運回。自是路斷行人。所謂告奮勇者亦均藏匿無踪。番兵圍住拉薩而大亂成矣。

公議局之追印

自公議局議設三部。正月二十八日遂行文聯鍾及夷情德錕謂辦事將歸三部請將印信案卷皆暫交公議局。德錕於次日即行移交。並遷往公桑子與鍾同往以資庇蔭。夷情署內什物遂移公議局公用。搬取一空。後遂為番兵焚燬。聯鍾因清理案卷詳核餉冊。允於二月初間亦即移交。至攻色拉寺後議局解散無人過問。聯鍾之勢為之一振。

公議局之消滅

自攻色拉寺未能得手。反招番邊圍攻。群咎公議之失算。軍士有錢者均深匿不出。公議局恃軍隊為護符。軍隊亦互相諉過。所有主戰者至是皆無言。每日無一人到局。何光燮在欽署亦不敢久踞。遂移火爾岡。又與聯同居。局中所有什物亦均為眾人攫取一空。

拉薩初次被圍戰綫圖說

西至第穆寺。東至工布塘。南至藏河。崇壽寺。北至巡警總局。鍾居中調度。四路策應。可靠之兵。惟手下馬弁二十餘人。郭達勳馬隊百餘。趙本立兵百餘。張文華之士兵數十。其清真寺百姓均極奮勇。惜惟刀矛。餘如第穆寺僧眾。劉榮武。張子青。張鴻昇。王久敬。甘秉臣。時均賦閑。危急始一出戰。其組織敢死隊之謝天喜。係郭元珍公口之管事。其隊以保護何郭為目的。毫無布置。後因哥倫礮架被藏兵襲取。為鍾所殺。接戰最近為清真寺。不過咫尺。日夜被攻。槍彈如雨。加以地雷不時轟發。屋宇傾陷。而志氣不餒者。恃協部策應而已。後因糧無購處。聞知藏河南岸廟中存糧甚多。夜間偷渡攻取。戰綫遂過藏河。而南面山上藏兵均退紮高處。其時扎什城為三營駐紮。雖屢被攻。而牆堅糧足。南北西三面均開濶。唯東面喫緊。但與拉薩交通為番兵阻隔。子彈時虞缺乏。每數日即遣人於夜間偷至協部領子彈一次。從無一人受傷者。蓋因蠻兵守卡。必燃火高歌。而距戰稍遠之番兵。又無快槍。及知覺已去遠。

矣。鍾之精神人所不及。應付各處糧彈。分撥戰守。日夜報告。或百起。蓋自二月初五至七月和局成。固未能一夕安枕。

江孜議和

漢番之戰。實始於後藏。而江孜救兵到後藏時。駐後藏軍隊已將槍枝賣於番官。逃往印度。而管帶潘文華率隊由拉薩到江孜。復由代理監督史悠明與英員主持。將槍由番官作價。以為旅費。亦次第出藏。其時靖西同知馬師周。江孜監督馬吉符。均先後擅行出藏。各路文報已不通。記者無事可做。憂悶寡歡。日隨軍隊各處探查。雖屢瀕於險而不悔。月 日忽見大招樓上手搖白旗以示停戰。旋擲下一函。兵士取來傳鈔後。始送協部。

謝國樑降藏原因

謝湖南人。前在六營教練官。與管帶徐方詔不和。互相奸搗。後徐妾與屢扎有親。聯疑徐通番殺之。遂擢謝為管帶。謝感恩知己。所練士兵最強。嗣征波密有功。值駐波密軍隊奉藏中